

## 李白友情诗句大全

1.  
李白乘舟将欲行，忽闻岸上踏歌声。桃花潭水深千尺，不及汪伦送我情。  
——《赠汪伦》
2.  
陶公有逸兴，不与常人俱。筑台像半月，回向高城隅。置酒望白云，商飙起寒梧。秋山入远海，桑柘罗平芜。水色绿且明，令人思镜湖。终当过江去，爰此暂踟蹰。——《登单父陶少府半月台》
3.  
谢亭离别处，风景每生愁。客散青天月，山空碧水流。池花春映日，窗竹夜鸣秋。今古一相接，长歌怀旧游。——《谢公亭·盖谢朓范云之所游》
4.  
攀天莫登龙，走山莫骑虎。贵贱结交心不移，唯有严陵及光武。周公称大圣，管蔡宁相容。汉谣一斗粟，不与淮南舂。兄弟尚路人，吾心安所从。他人方寸间，山海几千重。轻言托朋友，对面九疑峰。开花必早落，桃李不如松。管鲍久已死，何人继其踪。——《箜篌谣》
5.  
青山横北郭，白水绕东城。此地一为别，孤蓬万里征。浮云游子意，落日故人情。挥手自兹去，萧萧班马鸣。——《送友人》
6.  
杨花落尽子规啼，闻道龙标过五溪。我寄愁心与明月，随风直到夜郎西。  
——《闻王昌龄左迁龙标遥有此寄》

7.  
魏都接燕赵，美女夸芙蓉。淇水流碧玉，舟车日奔冲。青楼夹两岸，万室喧歌钟。天下称豪贵，游此每相逢。洛阳苏季子，剑戟森词锋。六印虽未佩，轩车若飞龙。黄金数百镒，白璧有几双。散尽空掉臂，高歌赋还邛。落魄乃如此，何人不相从？远别隔两河，云山杳千重。何时更杯酒，再得论心胸。——《魏郡别苏明府因北游》

8.  
我来竟何事，高卧沙丘城。城边有古树，日夕连秋声。鲁酒不可醉，齐歌空复情。思君若汶水，浩荡寄南征。——《沙丘城下寄杜甫》

9.  
绿水接柴门，有如桃花源。忘忧或假草，满院罗丛萱。暝色湖上来，微雨飞南轩。故人宿茅宇，夕鸟栖杨园。还惜诗酒别，深为江海言。明朝广陵道，独忆此倾樽。——《之广陵宿常二南郭幽居》

10.  
饭颗山头逢杜甫，顶戴笠子日卓午。借问别来太瘦生，总为从前作诗苦。——《戏赠杜甫》

11.  
故人西辞黄鹤楼，烟花三月下扬州。孤帆远影碧空尽，唯见长江天际流。——《黄鹤楼送孟浩然之广陵》

12.  
送君灞陵亭，灞水流浩浩。上有无花之古树，下有伤心之春草。我向秦人问路歧，云是王粲南登之古道。古道连绵走西京，紫阙落日浮云生。正当今夕断肠处，骊歌愁绝不忍听。——《灞陵行送别》

13.  
醉别复几日，登临遍池台。何时石门路，重有金樽开。秋波落泗水，海色明徂徠。飞蓬各自远，且尽手中杯。——《鲁郡东石门送杜二甫》

14.

我昔东海上，劳山餐紫霞。亲见安期公，食枣大如瓜。中年谒汉主，不  
惬还归家。朱颜谢春辉，白发见生涯。所期就金液，飞步登云车。愿随  
夫子天坛上，闲与仙人扫落花。——《寄王屋山人孟大融》

15.

楚水清若空，遥将碧海通。人分千里外，兴在一杯中。谷鸟吟晴日，江  
猿啸晚风。平生不下泪，于此泣无穷。——《江夏别宋之悌》

16.

侧叠万古石，横为白马矶。乱流若电转，举棹扬珠辉。临驿卷缙幕，升  
堂接绣衣。情亲不避马，为我解霜威。——《至鸭栏驿上白马矶赠裴侍  
御》

本文链接：<https://duanjuziku.com/duanjuzi/zeiovrfv17.html>